

Հ. Գ. Ասլանյան

ԼԵՆԻՆՅԱՆ ՀԱՆՃԱՐԻ ՎՍԵՄ ՍՏԵՂԾԱԳՈՐԾՈՒԹՅՈՒՆԸ

Լրացավ Վ. Ի. Լենինի «Մատերիալիզմ և էմպիրիոկրիտիցիզմ» անմահ աշխատության լույս ընծայման հիսուն տարին: Հինգ տասնամյակ զինել է և շարունակում է զինել այդ փրփր կոմունիստական ու բանվորական պարտիաներին, առաջավոր հասարակական ու գիտական դործիչներին մարքս-լենինյան ամենահզույթ գաղափարներով, ամենաառաջավոր դիալեկտիկա-մատերիալիստական աշխարհայացքով: Իր բովանդակության անհատակ խորությամբ, սկզբունքների փաստական ու գիտական հիմնավորությամբ, ճշմարտացիությամբ ու մոբիլիզացնող ուժով «Մատերիալիզմ և էմպիրիոկրիտիցիզմը» կարող է դրվել միայն «Կապիտալի» և «Լենտի-Դյուրինգի» կողքին: Այդ մոնոմենտալ գործերից յուրաքանչյուրը, երևան գալով որպես բանվորական շարժման քաղաքական ու իդեոլոգիական մեծագույն խնդիրների լուծման անհրաժեշտության հետևանք, մի ամբողջ դարագլուխ է բաց արել մարքսիզմի պատմության մեջ: «Մատերիալիզմ և էմպիրիոկրիտիցիզմը» մարքսիստական փիլիսոփայության լենինյան էտապի ամենավսեմ կոթողն է, և որքան ավելի հեռվից ենք դիտում, այնքան ավելի վառ ու ցայտուն է երևում նրա գաղափարների բարձրությունն ու վեհությունը:

* * *

Պատմական ի՞նչ անհրաժեշտության ծնունդ էր այդ աշխատությունը, ի՞նչ խնդիրներ էին դրված Լենինի ու բոլշևիկյան պարտիայի առաջ, ի՞նչ գաղափարական-քաղաքական պրոբլեմներ պետք է լուծվեին: Պատասխանելով այս հարցերին, մենք դրանով իսկ իմաստավորա՞ծ կլինենք «Մատերիալիզմ և էմպիրիոկրիտիցիզմի» թեորիական-գաղափարական բովանդակությունն ու անդնահատելի նշանակությունը:

Ռուսաստանի պատմության XX դարի առաջին տասնամյակը հասարակական-քաղաքական տեսակետից երեք որոշակի էտապներ է ներկայացնում. ռուսական առաջին ռեոլյուցիայի նախապատրաստում, բուն ռեոլյուցիայի ընթացքը (սկիզբը, վերելքը, վայրէջքը), ռեակցիայի ժամանակաշրջանը: Համաշխարհային պատմության մասշտաբների տեսակետից անչափ կարճատև այս ժամանակաշրջանը սոցիալ-դասակարգային պայքարի բացահայտ դրսևորման, այդ պայքարի ձևերի ու մեթոդների բազմազանության, քաղաքական, ռեոլյուցիոն փորձի հարստության տեսակետից հավասար է շատ տասնամյակների: Ռեոլյուցիայի նախապատրաստման և բուն ռեոլյուցիայի մեծ դեպքերի ընթացքում ռուսական պրոլետարիատը դրսևորեց փրեն որպես համաշխարհային պրոլետարիատի ավանգարդ, ցույց ավեց, որ ինքը կարող է և պետք է լուծի Ռուսաստանի սոցիալական վերափոխումների հասունացած խնդիրները:

Ռեոլյուցիան ժամանակավոր պարտություն կրեց. վրա հասան սեհար-

ուրյակային-կաղետական ունակցիայի մասյլ տարիները. կոնտրոլուցիան հակահարձակման անցավ պրոլետարիատի, բոլշևիկների պարտիայի, գյուղացիության ղեմ բոլոր ուղղություններով՝ տնտեսական, քաղաքական, իդեոլոգիական: Փոխվեց քաղաքական ուժերի հարաբերակցությունը: Այդ իրադրության մեջ անշափ անհրաժեշտ էր թեորիապես վեր հանել, վերլուծել, ընդհանրացնել պատմության նոր փորձը, ցույց տալ, թե ինչ կատարվեց, ինչ պրոցես տեղի ունեցավ, որն է պատմության դիալեկտիկան. պետք էր մշակել բանվոր դասակարգի, պարտիայի քաղաքականության նոր խնդիրները, տակտիկայի նոր ձևերը: Այսպիսով մարքսիստական թեորիայի և ամենից առաջ փիլիսոփայության հիմքերի նոր մշակումն ու վարդապետման առաջնահերթ խնդիր դարձավ: Պատմական այդ մեծ խնդիրը լուծեց Վ. Ի. Լենինը իր «Մատերիալիզմ և էմպիրիոկրիտիցիզմ» և այլ աշխատություններում իրեն հատուկ ուժով, հիմնավորությամբ, բոլշևիկյան պարտիականության կրքով, Բացատրելով այդ խնդրի լուծման անհրաժեշտությունը, Լենինն ընդգծում էր, որ մարքսիզմը մեկընդմիջ տրված ավարտուն դոգմա չէ. նա հասարակական-քաղաքական-գաղափարական հոսանք է, որի արմատական փիլիսոփայական հիմքը մատերիալիստական դիալեկտիկան է. այն սերտորեն կապված է բանվորական շարժման անմիջական պրակտիկ խնդիրների հետ: Մարքսիզմը ստեղծագործաբար զարգացող ուսմունք է, ուստի և նա չի կարող շարտացույց կատմության նոր շրջադարձերը, սոցիալ-քաղաքական սուր բեկումները, ռեվոլյուսիոն գործունեության նոր պայմաններն ու խնդիրները:

«Մարքսիզմի թեորիան»,—գրում էր Լենինը,—մեր ամբողջ աշխարհայացքի, մեր ամբողջ պարտիական ծրագրի ու տակտիկայի «սկզբունքային հիմունքները» ոչ թե պատահականորեն, այլ անխուսափելիորեն այժմ գրավել են առաջին տեղերից մեկը պարտիայի ամբողջ կյանքում: Պատահական չէր, այլ անխուսափելի էր այն, որ ռեվոլյուցիայի ձախողումից հետո հասարակության բոլոր դասակարգերում, ամենալայն ժողովրդական մասսաների մեջ արթնացավ հետաքրքրություն ղեպի ամբողջ աշխարհայացքի խոր հիմունքները՝ ընդհուպ մինչև կրոնի ու փիլիսոփայության հարցերը, ընդհուպ մինչև մեր մարքսիստական ուսմունքի սկզբունքները՝ ամբողջությամբ վերցրած: Ռեվոլյուցիայի միջոցով տակտիկայի հարցերի շուրջը սուր պայքարի մեջ ներքաշված մասսաները բացահայտ Լույսների բացակայության ժամանակաշրջանում ոչ թե պատահականորեն, այլ անխուսափելիորեն առաջադրեցին ընդհանուր թեորիական գիտելիքների պահանջ: Մարքսիզմի հիմունքները պետք է նորից պարզաբանել այդ մասսաներին, մարքսիզմի թեորիայի պաշտպանությունը վերստին հերթի է դրվում» (Վ. Ի. Լենին, Գործերի զրույցի մասին պարտիայի մեջ հոգվածը, հատ. 17, էջ 23):

Այսպիսով, թեորիական, փիլիսոփայական հարցերը առաջին պլանի վրա քաշվեցին ոչ թե առանձին գործիչների կամայականության հետևանքով, ոչ թե պատահականորեն, այլ անհրաժեշտությամբ, պատմական կոնկրետ հանգամանքների թևադրանքով: Ռեվոլյուցիոն և դրան հաջորդող ունակցիոն տարիները դրեցին հարցեր, որոնք խորը փիլիսոփայական խմբուտ ու նշանակություն ունեին: Լենինն ամենից սուր և ամենից խորը գիտակցեց պարտիայի գործունեության նոր խնդիրների լուծման անհրաժեշտությունն ու վճռականորեն ձևակերպեց դրանց լուծմանը: Լենինն ամբողջ ուժով ընդգծում էր մարքսիզմի ստեղծագործական բնույթը, նրա հետագա զարգացման ան-

հրաժեշտությունը: «Հենց այն պատճառով,— գրում էր նա մի այլ հոդվածում,— որ մարքսիզմը մեռած դոգմա չէ, մի ինչ-որ ավարտուն, պատրաստի, անփոփոխ ուսմունք չէ, այլ գործողության կենդանի ուղեցույց, հենց այդ պատճառով նա չէր կարող իր վրաս շարտացույց հասարակական կյանքի նպայմանների զարմանալի սուր փոփոխումը» (նույն տեղում, էջ 32—33): «Մատերիալիզմ և էմպիրիոկրիտիցիզմը» հանդիսացավ ստեղծագործական մարքսիզմի հանձարեղ մարմնացումը:

Ռուսաստանի հասարակական զարգացման խոշորագույն իրադարձությունների փիլիսոփայական ընդհանրացումն ու իմաստավորումը, հարուստ փորձի յուրացումը Լենինի, Կոմունիստական պարտիայի առաջ ղրված մեծագույն քաղաքական-գաղափարական խնդրի մի կողմն էր միայն. մյուս կողմը ունեցի՞ր իդեոլոգիային հակահարված տալու անհրաժեշտությունն էր: Բուրժուական ու մանրբուրժուական ինտելիգենցիան համակվեց կրոնա-միստիկական, կոնտրոկուլուցիոն տրամադրություններով. ինչպես անձրևից հետո սունկերը, հրապարակ եկան իդեալիստական, միստիկական փիլիսոփայության բազմազան հոսանքներ, դպրոցներ ու դպրոցիկներ: Այդ բոլորի խստացրած արտահայտությունը էմպիրիոկրիտիցիզմն էր, մախիզմը՝ բերկրականության և յոմիզմի հին գաղափարների նոր վարիանտը: Բուրժուական այդ իդեոլոգիայի աղեղնությունը թափանցեց նաև սոցիալ-դեմոկրատիայի շարքերը, վարակելով նրա անկայուն տարրերին, ժամանակավոր ուղեկիցներին: Սկսվեց մարքսիզմի մախիստական ձևի զինումը: Ռուս մախիստների մի ամբողջ խումբ (Բոգդանով, Բազարով, Յուզկևիչ, Վալենտինով, Չեռնով և ուրիշներ) թուփակի պես կրկնելով իրենց արևմտյան ուսուցիչների դրույթները, մարքսիզմը «նորոգելու», գիտությունն ուր նվաճումներով «հարստացնելու» քողի տակ սկսեցին նենգափոխել դիալեկտիկական ու պատմական մատերիալիզմի հիմնական դրույթները, հարմարեցնելով ունակցիոն իրադրությանը: Անհրաժեշտ էր բոլոր ուղղություններով հիմնավոր ճակատամարտ տալ ուսուցիչին մարքսիզմի, բուլշևիզմի բոլոր թշնամիներին ու հակառակորդներին, պաշտպանել մարքսիստական աշխարհայացքի անաղարտությունը բազմաթիվ թշնամիներից, մերկացնել նրանց ունակցիոն էությունը: Պատմական այս խնդիրն ևս լուծեց Լենինը իր «Մատերիալիզմ և էմպիրիոկրիտիցիզմը» աշխատությամբ:

Լենինը անառարկելի ուժով ապացուցեց մախիզմի և իդեալիստական այլ դպրոցների ունակցիոն էությունը, սխալականությունն ու վտանգավորությունը: Միջնադարյան խավարամուլները կրկին նախաբեմ հանդես եկան և սկսեցին վհատություն, հուստեստություն, միստիկա սերմանել շորս կողմը, քարոզել պոռնոգրաֆիա, ծայրահեղ անհատապաշտություն, փախուստ ուսուցիչին շարժումից: Ահա թե ում էր ծառայում մախիզմը: Մախիզմը հոգևոր փայտ հանդիսացավ ցարիզմի, կադետական բուրժուազիայի, ժողովրդի բոլոր թշնամիների ձեռքին: Ժխտելով մատերիայի և նրա օբյեկտիվությունների օբյեկտիվ գոյությունն ու ճանաչելիությունը, էմպիրիոկրիտիկները փիլիսոփայորեն «հիմնավորում» էին կրոնն ու հավատը, կոնտրոկուլուցիայի հոգևոր փայտը: «Ոչ թե պատահաբար, այլ անհրաժեշտության ուժով մեր ամբողջ ունակցիան ընդհանրապես, լիբերալ (վեխական, կադետական) ունակցիան մասնավորապես, «նեոսկեյին» դեպի կրոնը: Միայն դավադանը, միայն մտրակը քիչ է. դավադանը համենայն դեպս կիսակոտորված է: Վեխականները առաջավոր բուրժուազիային օգնում են ձեռք բերելու նորագույն գաղափարական դավադան, հոգե-

վոր զավազան: Մախիզմը, իբրև իդեալիզմի ալլատեսակություն, օրյեկտիվորեն հանգիստանում է ռեակցիայի գործիք, ռեակցիայի իրագործիչ» (Վ. Ի. Լենին, հատ. 17, էջ 73): Պատահական չէ, որ ռուսական մախիզմի փիլիսոփայական պլատֆորմայի վրա համախմբվել էին քաղաքական տարրեր խմբավորումների պատկանող մարդիկ նրանց համախմբում էր ընդհանուր թշնամանքը լենինիզմի, լենինյան պարտիայի դեմ: Պատահական չէր մախիզմի կապը լիկվիդատորության հետ. մեկը ձգտում էր լիկվիդացնել բանվոր դասակարգի ռեուլյուցիոն պարտիան, մյուսը՝ այդ պարտիայի թևերեղերակա հիմունքները՝ շարքային սոցիալ-դեմոկրատներին շփոթեցնելու, ռեուլյուցիոն շարժումից նրանց հետ պահելու նպատակով: Այսպիսով փիլիսոփայական ու քաղաքական լիկվիդատորությունը ներկայացնում էր հակապարտիական միևնույն մեղալի երկու կողմերը: Լենինը խտրապես բացատրում էր, որ պայքարը մախիզմի դեմ փիլիսոփայական կատեգորիաների ու պրոբլեմների շուրջը վերացական մտքերի պայքար չէ, այլ պարտիական, քաղաքական պայքար է: Մախիստական և այլ տեսակի ռեիդիոնիզմի դեմ վճռական պայքարը անհրաժեշտ ու անխուսափելի է, դա մարքսիստների կենսական պարտիական գործն է: Միայն այդ ձևով կարելի է ամրապնդել սոցիալ-դեմոկրատների շարքերը, տալ առաջավոր պրոլետարներին հաստատ համոզմունք և հավատ իրենց ուժերի նկատմամբ, դաստիարակել նրանց դայիր ռեուլյուցիոն մարտերի համար: Այսպես էր հարցը դրվում:

Բացատրելով, որ ունայնության, վհատության, իդեալիստական տրամադրությունների ազդեցության թափանցումը սոցիալ-դեմոկրատների շարքերը որոշ շափով կրիզիս է ստեղծել մարքսիզմի համար, Լենինը մարտական խնդիր էր առաջադրում. «Ավելի կարևոր բան չկա, քան կրիզիսի խորությունը և նրա դեմ պայքարելու անհրաժեշտությունը պիտակցած բոլոր մարքսիստների համախմբումը՝ պաշտպանելու համար մարքսիզմի թեորիական հիմքերը և նրա արմատական դրույթները, որոնք խեղաթյուրվում են ամենահակադիր կողմերից՝ բուրժուական ազդեցությունը մարքսիզմի վանազան «ադեկիցների» վրա տարածելու ճանապարհով» (նույն տեղում, էջ 34):

Նախորդ երկու հանդամանքները, այսինքն ռուսական առաջին ռեուլյուցիայի հարուստ դասերի փիլիսոփայական անալիզը և նորագույն իդեալիստական հոսանքների մարքսիստական քննադատությունը արդեն ինքնին համաշխարհային նշանակություն ձեռնհաս: Կար նաև մի երրորդ հանգամանք, որն է՝ ավելի էր ընդգծում լենինյան աշխատության միջազգային նշանակությունը և մեծագույն գիտական խնդիր էր դնում նրա առաջ: Խոսքը ֆիզիկայի մեջ տեղի ունեցող նոր երևույթների մասին է: «Այդ փիլիսոփայական «վերլուծությունը», — դրում էր Լենինը, — վաղուց նախապատրաստվում էր նաև աշխարհիս մյուս երկրներում այնչափով, որչափով, օրինակ, նոր ֆիզիկական դրել է մի շարք նոր հարցեր, որոնց հետ պետք է «հաշվի նստեր» դիալեկտիկական մատերիալիզմը» (Վ. Ի. Լենին, հատ. 17, էջ 72—73):

Խնդիրն այն է, որ XIX դարի վերջին և XX դարի սկզբներին բնագիտությունը կատարյալ ռեուլյուցիա էր ապրում. որը գնալով խորանում էր, այդ ռեուլյուցիան մինչև օրս էլ շարունակվում է: Գիտությունը թափանցում էր միկրոաշխարհը, բացահայտելով նյութի նոր տեսակներ ու մինչև այդ անհայտ հատկություններ, նյութի շարժման նոր ձևեր ու փոխակերպություններ, այնպիսի օրինաչափություններ, որոնք չէին տեղավորվում մեխանիստական ֆի-

ղիկայի հին սխեմաներում: Բուրժուական միտքը անզոր գտնվեց ըմբռնելու բնագիտության մեջ կատարվող այդ պրոցեսները, ղլխակորույս եղավ, փակուղու մեջ ընկավ: Դա ֆիզիկայի ճգնաժամն էր, Այդ ճգնաժամի առանձնահատկություններից մեկն այն էր, որ ֆիզիկոսների մի խումբ, չկողմնորոշվելով գիտության զարգացման բարդ պրոցեսների մեջ, գլորվեց դեպի իդեալիզմ, իսկ ունակցիոն փիլիսոփա իդեալիստները, մախիստները ձուլվեցին որսալով պրոցեսները շրտմ, խորացնում էին այդ ճգնաժամը: Բուրժուական մտքի այդ տարրնթացությունը պատահական երևույթ չէր, այլ իմպերիալիզմի ունակցիոն իդեոլոգիայի արտահայտություններից մեկը:

Վ. Բ. Հենինը ուշի-ուշով հետևում էր այդ պրոցեսներին: Նա բացատրում էր, որ քննարկել դիալեկտիկական մատերիալիզմի դրույթները, շրջանցելով բնագիտության նյութը, նշանակում է ծաղրի ենթարկել այդ փիլիսոփայության բոլոր ոգին ու էությունը: Այլ կերպ չի կարող լինել. դիալեկտիկական մատերիալիզմը կապված է բնագիտության հետ ոչ թե պատահականորեն, այլ իր էությամբ, իր ծագումով, իր ունակ լուծանդակությամբ, իր ոգով: Կապված է ևրկուստեք. նա փնքը բնագիտական հսկայական նյութի ընդհանրացման արդյունք է, մարդկային իմացության ամբողջ պատմության ամփոփ հանրագումարը: Մյուս կողմից, դիալեկտիկական մատերիալիզմը իմացության միակ ճիշտ մեթոդն է, որը կիրառվելով գիտության տարրեր բնագավառներում, հասցնում է բեղմնավոր արդյունքների: Անհրաժեշտ էր մարքսիստներն ընդհանրացնել նորագույն բնագիտության ընձեռած նյութը, նոր հայտնագործությունների վերլուծմամբ ցույց տալ դրանց մախիստական, իդեալիստական ֆալսիֆիկացիան, բարձրացնել դիալեկտիկական մատերիալիզմը նոր աստիճանի: «Մատերիալիզմ և էմպիրիոկրիտիցիզմում» վիթխարի ուժով լուծված է նաև այս խնդիրը: Հենինը տիտանական աշխատանք կատարեց. նա հիմնավորապես տնտղեց ֆիզիկայի, քիմիայի և այլ գիտությունների բնագավառում XIX դարի 90-ական թվականներից մինչև 1909 թվականը լույս տեսած հսկայական գրականությունը Գերմանիայում, Ֆրանսիայում, Անգլիայում, Ռուսաստանում, Իտալիայում, հետևելով մատերիալիստական և իդեալիստական գծերի պայքարի դրսևորմանը այդ երկրներում, սուր քննադատության ենթարկելով այն գնոսեոլոգիական եղբակացությունները, որ իդեալիստ ֆիզիկոսները հանում էին ֆիզիկայի նոր հայտնագործություններից: Այդ գիծը Հենինը անշեղորեն շարունակում էր հետագայում էլ. այդ մասին են վկայում «Փիլիսոփայական տեսքերը» (Երկերի 38-րդ հատորը), «Մարտնչող մատերիալիզմի նշանակության մասին» ծրագրային հոդվածը (1922) և այլ աշխատություններ:

* * *

«Մատերիալիզմ և էմպիրիոկրիտիցիզմի» լույս ընծայման պատմական պայմանները, ռուսական պրոլետարիատի և նրա պարտիայի առաջ գրված քաղաքական ու գաղափարական հրատապ խնդիրները որոշեցին նաև մարքսիստական-հենինյան փիլիսոփայության այդ կլասիկ գործի բովանդակությունն ու նշանակությունը: Անհնար է մի թուղիկ ակնարկում վերարտադրել այդ բովանդակությունը. այդ մասամբ արվում է «Տեղեկագրի» այս համարի հաջորդ հոդվածներում: Մենք կսահմանափակվենք միայն ընդհանուր և համառոտ բնութագրությամբ:

Վ. Ի. Հենինի աշխատության մեջ մշակված ու վերլուծված են փիլիսոփա-

յության, բնագիտության և հասարակական գիտության մեծագույն հարցերը: Այդ բոլոր բնագավառներում լենինյան հանձարը շողշողում է ծիածանի բոլոր գույներով. փաստական նյութի հարստությունը, այդ նյութի տրամաբանական ու պատմական անալիզի խորությունն ու ընդհանրացումների անընդգրկելի լայն հորիզոնը, փաստարկման կուռ ու ստեղծագործական բնույթը, ստույգ գիտականության և հետևողական պրոլետարական պարտիականության զարմանալի համակցումը, արծարծված զաղափարների մոբիլիզացնող ուժը — այսպես կարելի է բնութագրել «Մատերիալիզմ և էմպիրիոկրիտիցիզմը»:

Նորագույն իդեալիզմի քննադատությունը և մարքսիստական իմացարանության բազմակողմանի մշակումն ու զարգացումը լենինի ստեղծագործության հիմնական պոթրեմն է: Լենինն ամբողջ ուժով ցույց տվեց, որ մասխիվմը փքուն ֆրազներով («սկզբունքային կոորդինացիա»), «աշխարհի տարրեր», «խտրոնեկցիա» և այլն) պարուրված XVIII դարի սուրյեկտիվ իդեալիզմի և ագնոստիցիզմի (Բերկլի, Յում, Կանտ) կրկներգն է, իդեալիզմ, որը վաղուց հերքվել է մատերիալիստների ու հատկապես մարքսիստների կողմից ու գիտության զարգացման ամբողջ ընթացքով:

Քննության առնելով զգայությունների ու նյութի հարաբերության փիլիսոփայական հիմնական հարցը, Լենինը վճռական ճակատամարտ տվեց նորագույն իդեալիզմի բազմազան դպրոցներին՝ պոզիտիվիզմ, էմպիրիոկրիտիցիզմ, նեոկանտականություն, իմանենտականություն, պրագմատիզմ: Մոտիկից տնողելով, մենք տեսնում ենք, որ այդ բազմապիսի «իզմ»-երը նույն ուսուկցիոն, հակագիտական էության տարբեր ձևակերպումներն են: Այս միտքն անցնում է ամբողջ գրքով: Աշխարհը տարրալուծելով զգայությունների կոմպլեքսների, «ես»-ի մեջ, սուբյեկտիվ իդեալիզմը վերջին հաշվով հանգում է միստիկայի, գիտությունը նենգափոխելով ֆիդեիզմի: Նույն հանգրվանին է գալիս նաև օբյեկտիվ իդեալիզմը, միայն ավելի անմիջականորեն:

Դրան հակառակ Լենինը բնագիտությանը, պատմությանը, մարդկային պրակտիկային լիովին համապատասխան ցույց է տալիս, որ զգայությունը (և գիտակցությունն ամբողջությամբ) մատերիայի երկարատև զարգացման բրդունքն է, ուղեղի բարձրագույն հատկությունը, օբյեկտիվ աշխարհի արտացոլումը: Եվ այժմ, հիսուն տարի անց, բնագիտությունը, գիտական ֆիզիոլոգիայի նվաճումները փայլուն կերպով հաստատում են զգայությունների այն սահմանումների ճշտությունը, որ տրված են Լենինի աշխատության մեջ և որոնցում բացահայտված են զգայությունների էությունն ու առանձնահատկությունները: Այդ սահմանումների մեթոդոլոգիական նշանակությունը հսկայական է. ինչպես իդեալիզմի, այնպես էլ վոլգար մատերիալիզմի դեմ պայքարելու գործում: Արտացոլման մարքս-լենինյան թեորիան, որը հսկայական բարձրության է հասցված Լենինի գրքում, մարդկային մտքի մեծագույն նվաճումն է: Նոր փաստարկներով քննադատության ենթարկելով ագնոստիցիզմը և զարգացնելով ինդեյսի համապատասխան դրույթները, Լենինն անգերազանց հըստակությամբ ու խորությամբ ձևակերպում է մարքսիստական իմացարանության հիմնական դրույթները, բացահայտելով արտացոլման պրոցեսի բարդ, հսկասական, դիալեկտիկ բնույթը, ճշմարտության պրոցեսի խորը դիալեկտիկան:

Վերարտադրենք այդ դրույթները:

1. Մեզինք գուրս, մեր գիտակցությունից անկախ գոյություն ունեն օբյեկ-

տիվ իրեր իրենց հատկություններով, հարաբերություններով, գործողություններով:

2. Ոչ մի սկզբունքային տարրերություն, անդունդ չկա ինքնին իրի և երևույթի միջև, ինչպես հորինում են աղետաստիկները. սկզբունքորեն ամեն ինչ ճանաչելի է: Կան արդեն ճանաչված իրեր և դեռ չճանաչված իրեր, որոնք կճանաչվեն: Անճանաչելի ոչինչ չկա:

3. «Իմացության մեջ, ինչպես և գիտության բոլոր մյուս բնագավառներում, անհրաժեշտ է դիալեկտիկորեն դատել, այսինքն՝ մեր իմացությունը չենթադրել պատրաստ ու անփոփոխ, այլ քննել, թե ինչ կերպ է չգիտությունից երևան գալիս գիտությունը, ինչ կերպ է ոչ-լիակատար, անճշգրիտ գիտություններ դառնում ավելի լիակատար և ավելի ճշգրիտ» (Վ. Ի. Հենին, հատ. 14, էջ 123—124): Այս նշանակում է, որ մեր իմացությունը ավելի ու ավելի խորն աբստրակցիոնով օբյեկտիվ աշխարհը, նրա հատկությունները, գործողություններն ու օրինաչափ կապերը, տալիս է մեզ օբյեկտիվ ճշմարտություն, հարաբերական ճշմարտությունից գնում է դեպի բացարձակ ճշմարտությունը, այստեղից դեպի մի ուրիշ, ավելի խորը բացարձակ ճշմարտություն և այսպես անվերջ: Ընդ որում իմացության պրոցեսի հիմքն ու ճշմարտության չափանիշը մարդկային պրակտիկան է:

Այս հիմնադրություններից յուրաքանչյուրը բազմակողմանի, վառ ու անգերազանց լուսաբանություն է գտել Հենինի աշխատության մեջ: Քանի որ մեզնից դուրս, մեր զգայություններից, գիտակցությունից անկախ գոյություն ունի օբյեկտիվ աշխարհ, ինչպես հաստատում են բազմադարյան գիտությունն ու մարդկային պրակտիկան, ապա պետք էր տալ այդ օբյեկտիվ աշխարհի բուն էության փիլիսոփայական սահմանումը, որ և արված է Հենինի կողմից: Օբյեկտիվ աշխարհի հիմքն ու բովանդակությունը՝ մատերիան է: Մատերիան, ասում է Հենինը, մեր զգայություններում տրված օբյեկտիվ ռեալությունն է. կամ՝ մատերիան մեր գիտակցությունից դուրս և անկախ գոյություն տւնեցող օբյեկտիվ ռեալությունն է, որն արտացոլվում, արտապատկերվում, պատճենավորվում, լուսանկարվում է մեր գիտակցության կողմից: Այստեղ երկու ֆունդամենտալ հատկանիշ է նշված. այն, որ մատերիան օբյեկտիվ ռեալություն է. գոյություն ունի մեր գիտակցությունից դուրս ու անկախ և այն, որ մատերիան մեր գիտակցության միակ աղբյուրն է ու ճանաչվում է նրա կողմից: Այս հռչակավոր սահմանումը հանդիսանալով բնագիտության ու մատերիալիստական փիլիսոփայության երկարատև պատմության ու մարդու դարավոր պրակտիկ փորձի հանրագումարն ու ընդհանրացումը, մատերիայի առավել խորը և առավել լիակատար սահմանումն է. այն մտել է ոչ միայն մարքսիստների, այլև բոլոր առաջավոր մտածողների գիտակցության մեջ և ստացել արսիմայի ուժ: Տալով այդ սահմանումը, Հենինը խորը սկզբունքային բացատրություն է տալիս այն մասին, որ մատերիայի փիլիսոփայական սահմանումը պետք է տարբերվի նյութի կոնկրետ ձևերի, կառուցվածքի և հատկությունների բնագիտական պատկերացումից. վերջինս կարող է հնանալ և հնանում է խոշոր հայտնագործությունների հետևանքով, իսկ փիլիսոփայական սահմանումը ավելի լայն է, խորը և չի կարող հնանալ, այն կարող է միայն հարստանալ:

Բացահայտելով մատերիալ հասկացության բովանդակությունը, Հենինը խորը վերլուծության է ենթարկում մատերիայի գոյության հիմնական ձևերը՝ տարածությունը, ժամանակը, շարժումը, հատուկ քննության է առնում պատ-

Ճառագանջության, օրինաչափության ու այլ կատեգորիաներ, ընդգծում է աշխարհի հավիտենականությունն ու անվերջությունը ժամանակի ու տարածության մեջ, զուգահեռաբար խորտակելով բոլոր իդեալիստական ու ֆիդելիստական կառուցումները: Դիալեկտիկական մատերիալիզմի իմացարանության ու ֆունդամենտալ կատեգորիաների լենինյան վերլուծությունը հսկայական նշանակություն ունի ոչ միայն մարքս-լենինյան փիլիսոփայության ու առաջավոր գիտության հետագա զարգացման համար, այն հատուկ վեճ է արդի ունակցիոն, հակագիտական կոնցեպցիաները հողմացրել անելու համար:

Վերն արդեն խոսվեց բնագիտության նորագույն հեղաշրջման և ֆիզիկայի ճգնաժամի մասին: Այդ հեղաշրջումը պահանջում էր նոր ձևով դնել փիլիսոփայության արմատական հարցերը, փիլիսոփայության և բնագիտության հարաբերակցության պրոբլեմները: Լուծելով այդ խնդիրները, Լենինը նոր դարավուր բաց արեց բնագիտության փիլիսոփայության մարքսիստական ըմբռնման պատմության մեջ:

Դիալեկտիկական մատերիալիզմի և առաջավոր բնագիտության անսպառազբյուր է բնագիտության իմացարանական հարցերի լենինյան անալիզը: Այստեղ բնութագրված է բնագիտության հեղաշրջման փաստական կողմը, բացատրված է ֆիզիկայի ճգնաժամի էությունը, վեր են հանված այդ ճգնաժամի (սոցիալական և իմացարանական) պատճառները, նշված են դրանից դուրս գալու ուղիները: Լենինը քարքարի վրա շփոթեց իդեալիստ ֆիզիկոսների և փիլիսոփաների այն հիմնական դրույթից, թե «մատերիան չբացավ», ապացուցելով, որ ժամանակակից բնագիտությունը միայն և միայն հաստատում է դիալեկտիկական մատերիալիզմի դրույթների ճշտությունը, որ բնագիտությունը կայտնարների միկրոաշխարհի նորանոր մասնիկներ, յուրօրինակ օրինաչափություններ: Մատերիան անվերջ և անսպառ է: Բնագիտության հետագա ընթացքը ամբողջովին և բոլոր ճյուղերով փայլուն կերպով հաստատեց լենինյան մտքի անսահման խորաթափանցությունը: Վիճակագրական, հարաբերականության թեորիան, մասսայի և էներգիայի նորագույն հետազոտությունները, կոսմոգոնիայի, աստրոֆիզիկայի, քիմիայի, բիոլոգիայի և ֆիզիոլոգիայի արդի նվաճումները նոր տվյալներով հաստատում են դիալեկտիկական մատերիալիզմի դրույթների ուժն ու օբյեկտիվ ճշմարտացիությունը:

Իայց հենց այդ պատճառով էլ խավարամոլները, ունակցիոն մտածողները չեն կարող բացահայտորեն ժխտել գիտության ճշմարտացիությունը, այլ արտաքինապես ընդունելով նրա նվաճումները, ճգնում են հարմարեցնել ֆիդելիզմին, հաշտեցնել գիտությունը կրոնի հետ:

Լենինն իր ժամանակին նկատել է այդ, երբ գրել է. «Արդի ֆիդելիզմն ամենին չի մերժում գիտությունը. նա միայն մերժում է գիտության «չափազանց հավանությունները», այն է՝ օբյեկտիվ ճշմարտության հավանությունները և թե օբյեկտիվ ճշմարտություն գոյություն ունի (ինչպես մատերիալիստներն են կարծում), եթե մարդու «փորձի» մեջ արտացոլելով օբյեկտիվ աշխարհը՝ բնագիտությունն է միայն ընդունակ մեղ տալու օբյեկտիվ ճշմարտություն, ապա անպայման մերժվում է ունեն մի ֆիդելիզմ» (Վ. Ի. Լենին, Հատ. 14, էջ 155): Այս դրույթը, ասես, հենց այսօրվա համար է դրված: Առանձնապես մոլեգնում են այդ ուղղությամբ նեոթոմիստները: Իտալական նեոթոմիստ Ռոբերտ Մալին թինարկելով մատերիայի ֆիզիկական և փիլիսոփայական ըմբռնումները, հետևյալ կերակացությունն է հանում. «Արդի ֆիզիկան, առանձնա-

պես կլանտային մեխանիկայի շնորհիվ, գիտնականներին, անկախ նրանց դիտակցությունից, մղում է դեպի Արիստոտելի և Ռոմա Ակվինացու կլասիկ փիլիսոփայությունը» («Մատերիալի ստրուկտուրան», էջ 135), մարքսիզմի բնագիտ, կաթոլիկ փիլիսոփա բուստով Վեստերը ֆալսիֆիկացիայի է ենթարկում դիալեկտիկական մատերիալիզմի հիմնական դրույթները, մասնավորապես՝ բնագիտության փիլիսոփայության մարքսիստական ըմբռնումը, շփոթություն է մտցնում մարքսիզմի կողմից արդեն լուծված հարցերի մեջ և այլն:

«Մատերիալիզմ և էմպիրիոկրիտիցիզմում» Լենինն անխնա քննադատության է ենթարկել մախիստական սոցիոլոգիան, զուգահեռաբար հիմնավորելով պատմական մատերիալիզմի հիմնական դրույթները: Լենինը քարքարի վրա չի թողել մարքսիզմի դեմ մախիստների արած առարկություններից ու փաստարկներից, մեկիկ-մեկիկ ցույց տալով դրանց անհիմնությունն ու կեղծիքը: Դրանք փաստարկներ չէին, այլ մարքսիզմի լիակատար ֆալսիֆիկացիա: Նրանց սեփական պատմափիլիսոփայական, սոցիոլոգիական հայացքները ոչ այլ ինչ էին, քան հակագիտական, ռեակցիոն այլազան կոնցեպցիաների՝ նեոկանտականության, մայթուականության, սոցիալ-դարվինիզմի, վոլյունտարիզմի էկլեկտիկական անճոռնի խառնուրդ: Այդ բոլորը վերջիվերջո հանգում էր պատմության սուբյեկտիվ իդեալիստական և զուգահեռ ընդհանուր ման:

Ինչ՝ մեկին և թե՛ մյուսին հակադրվում է միակ ճիշտ պատմափիլիսոփայությունը՝ պատմության մատերիալիստական ըմբռնումը: Վերջինս դիալեկտիկական մատերիալիզմի սկզբունքների շարունակությունն ու կիրառումն է պատմության նկատմամբ: Կեցությունն է որոշում գիտակցությունը. սա մարքսիստական փիլիսոփայության հիմնական դրույթն է: Հասարակական կեցությունն է որոշում հասարակական գիտակցությունը. սա մարքսիստական պատմափիլիսոփայության հիմնական դրույթն է: Այդ երկու դրույթներն անխզելի են միմյանցից: Լենինն ամբողջ ուժով ընդգծում է մարքսիստական փիլիսոփայության կուռ ամբողջականությունը:

Բացահայտելով բոգդանովի վուլգար նատուրալիստական և սուբյեկտիվիստական հայացքների հակամարքսիստական, հակագիտական էությունը, Լենինը հիմնավորում և զարգացնում է այն վճռական դրույթը, որ պատմությունը քառս կամ պատահականությունների թագավորություն չէ, այլ օրինաչափ պրոցես, այն ունի մարդկանց գիտակցությունից անկախ իր օրյեկտիվ տրամաբանությունը, որն անպատիժ կերպով խախտել չի կարելի: «Մարդկության ամենաբարձրագույն խնդիրն է — ընդհանուր և հիմնական գծերով ընդգրկել տնտեսական էվոլյուցիայի (հասարակական կեցության էվոլյուցիայի) այդ օրյեկտիվ տրամաբանությունը, որպեսզի ըստ հնարավորության ավելի ճշտորոշ, պարզ ու քննադատաբար հարմարեցնենք դրան մեր հասարակական գիտակցությունն ու բոլոր կապիտալիստական երկրների առաջավոր դասակարգերի գիտակցությունը» (Վ. Ի. Լենին, հատ. 14, էջ 436): Կոմունիստական ու բանվորական պարտիաների աշխարհափոխիչ ծրագիրն ու քաղաքականությունը կառուցված են գիտական պատմափիլիսոփայության հենց այդ սկզբունքի համապատասխան:

«Մատերիալիզմ և էմպիրիոկրիտիցիզմում» պարտիականության մարքսիստական սկզբունքի մեծագույն օրինակ է Այդ սկզբունքն իր մեջ միացնում է մարքսիզմ-լենինիզմի ամենաերևելի առանձնահատկությունը՝ բարձր գիտա-

կանոնությունն ու աշխարհափոխիչ ռեոլյուցիոնությունը: Այն, որպես ուղեցույց սկզբունք՝ թափանցում է ամբողջ դիրքը սկզբից մինչև վերջը, որպես ներքին ենթահիմք՝ ճառագայթում և լուսավորում է բոլոր պրոբլեմները, իդեաները, մտքերը: Իզուր չէ, որ կոմունիստական աշխարհայացքի բոլոր հակառակորդներն ու թշնամիները սկսած մախիստներից, վերջացրած արդի եզուիտներով չեն հանդուրժում, ուղղակի ատում են պարտիականության մարքսիստական սկզբունքը: Անգերազանց համոզվածությամբ լենինն ապացուցեց, որ փիլիսոփայությունը պարտիական է սկզբից և՛ ինքնին և պարտիական էլ մնում է այսօր. մարտնչող պարտիաներն են՝ իդեալիզմը և մատերիալիզմը: Մարքսն ու Էնգելսը, բացատրում է լենինը, մինչև վերջը պարտիականներ էին փիլիսոփայության մեջ, նրանք պաշտպանում ու առաջ էին տանում միայն մեկ գիծ՝ դիալեկտիկական մատերիալիզմի գիծը, խարազանելով ամեն մի շեղում դրանից:

Հետևողականորեն շարունակելով ու զարգացնելով այդ գիծը, լենինը սովորեցնում է, որ իդեալիստների այլազան ֆրազների հետևը պետք է տեսնել և բացահայտել նրանց դասակարգային, քաղաքական շահը: Միաժամանակ լենինը մարքսիստներին առաջադրում է բուրժուական դիտության քննադատական վերամշակման ստեղծագործական սկզբունքը: Բուրժուական փիլիսոփաները թեոլոգների գործակատարներն են. բայց «մարքսիստների խնդիրն է՝ կարողանալ յուրացնել ու վերամշակել այն նվաճումները, որ արվում են այդ «գործակատարների» կողմից ...կարողանալ կտրել-ղեն նետել նրանց ռեակցիոն տենդենցը, կարողանալ մեր գիծը վարել ու պայքարել մեզ թշնամի ուժերի և դասակարգերի ամբողջ գծի դեմ» (Վ. Ի. լենին, հատ. 14, էջ 460): Լենինի աշխատությունը փայլուն կերպով ցույց է տալիս, թե ինչպես պետք է անցկացնել մեր գիծը:

Ռեոլյուցիոն մարքսիստների սերունդներն են դաստիարակվել լենինյան հանձարեղ աշխատության գաղափարներով և շարունակվում են դաստիարակվել: Եվ այսօր էլ, կապիտալիստական սիստեմի կործանման և կոմունիզմի ծավալուն շինարարության մեր դարաշրջանում «Մատերիալիզմ և էմպիրիոկրիտիցիզմը» հանդիսանում է կոմունիստական ու բանվորական պարտիաների իդեական հզոր զենքը, մարտնչում է մեր շարքերում իմպերիալիստական ռեակցիայի, խավարամոլության, ռեիդիոնիզմի դեմ՝ հանուն մեծ պրոգրեսի. այն որպես հզոր լուսարձակ լուսավորում է կոմունիստական հասարակության կառուցողների փառավոր ուղին: